



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWESIBILI LWEKWENGETA (SAL)

LIPHEPHA LESIBILI (P2)

LWETI 2014

IMEMORANDAMU

EMAMAKI: 80

Lememorandamu inemakhasi la-9.

SIGABA A: INDZABA

Ticondziso tekumaka indzaba.

Indzaba itawuhlolwa ngekulandzela lemigomo lelandzelako.

UMGOMO	EMAMAKI
LOKUCUKETFWE NEKUHLELA (60%)	24
LULWIMI, SITAYELA NEKUHLUNGA EMAPHUTSA (30%)	12
SAKHIWO (10%)	4
SAMBA	40

**Tinhlobo tetindzaba:
Indzaba lelandzisako.**

Indzaba lelandzisako icoca indzaba nobe sigameko/sehlakalo lesenteka. Indzaba lelandzisako ibhalwa ngesikhatsi lesengca.

Indzaba lechazako.

Endzabeni lechazako umbhali uchaza intfo letsite ngendlela yekutsi lofundzako imkhanyele kahle lentfo lechazwako. Kungachazwa intfo letsite nobe umuntfu.

Indzaba lesuselwe esitfombeni kufanele ihambisane nalokusesitfombeni. Bahlolwa bavumelekile kuhumusha sitfombe ngetindlela letehlukene kuye ngekutsi loyo naloyo mhlolwa ucabangani ngaso. Indzaba ayihlolwe ngendlela umfundzi lahumushe ngakhona lokusesitfombeni.

1.1 Mzukwana ngigubha lusuku lwekutsalwa kwami.

Labahlolwako kumele babhale bachaze/balandzise ngaloko lebekwenteka ngelilanga lekugubha lusuku lekutsalwa.

Kungalandziswa ngaloku lokulandzelako:

- Lusuku, indzawo nesikhatsi.
- Labo bebamenyiwe, tikhulumi.
- Lokwakwenteka ngalolosuku.

[40]

1.2 Umdlali wakumabonakudze/wasemsakatweni lengimtsandzako.

Labahlolwako kumele babhale bachaze/balandzise ngaloku lokulandzelako:

- Siteshi sethelevishini/libito lemsakato.
- Luhlelo lwethelevishini/lwemsakato.
- Umdlali lotsandvwa ngulohlolwako.
- Indzima ledlalwa ngumdlali kulolo luhlelo.
- Tizatfu letenta lohlolwako akhetse lomdlali.

[40]

1.3 Ngate ngatitfola tincwadzi tekushayela imoto.

Lohlolwako kulindzeleke kutsi abhale indzaba lelandzisa ngaloko lokwenteka nakatfolo tincwadzi tekushayela. Kulindzeleke kutsi umhlolwa achaze loku lokulandzelako:

- Lapho bekavivinyelwa khona.
- Luhlobo lwelaysensi layitfolile.
- Utive anjani nakatfolo lelaysensi.
- Batali/bangani bakhe batsini ngekuphumelela kwakhe.
- Sinyatselo latasitsatsa njengobe sekanelaysensi.

[40]

1.4 Liphupho lenginalo ngelikusasa lami.

Lohlolwako kulindzelwe kutsi abhale indzaba lechaza liphupho ngelikusasa lakhe. Akachaze kutsi ufisa kwentani emphilweni yakhe. Akavete kutsi yini lementa afise kwenta loko emphilweni yakhe. Akuvetwe tinyatselo latawutitsatsa kute aphumelele kuleliphupho lakhe. Akuvele nalabo lababone baphumelela nalabo labona kutsi bangamsita kuphumelelisa leliphupho lakhe.

[40]

**1.5 1.5.1 Sitfombe
Indzaba lelandzisako/lechazako**

Labahlolwako kulindzelwe kutsi babhale indzaba lelandzisako nobe lechazako ngekutfolo umklomelo lotsite emcimbini/Indzaba ayivete kutsi ngubani lona lotfole umklomelo nekutsi umklomelo uphatselene nani. Kulindzeleke nekutsi bachaze kabanti ngemklomelo.

[40]

**1.5.2 Sitfombe
Indzaba lechazako/lelandzisako.**

Labahlolwako kulindzelwe kutsi babhale indzaba lechazako nobe lelandzisako ngemfundvo. Bangabhala ngekungena endlini. Bangaveta kubaluleka kwemfundvo, imiphumela yekufundza.

[40]

**1.5.3 Sitfombe
Indzaba lelandzisako/lechazako**

Labahlolwako kulindzelwe kutsi babhale indzaba lechazako ngekuphumelela emphilweni/bangabhala futsi nekonga imali/kutfufuka kwebhizinisi.

[40]

**1.5.4 Sitfombe
Indzaba lelandzisako/lechazako**

Labahlolwako kulindzelwe kutsi babhale ngemdlalo webhola. Bangachaza umdlalo webhola. Bangalandzisa ngemdlalo webhola, njll. Nobe babhale ngemdlalo bawuchaze nalokunye labangabhala ngako ngebhola jikelele.

[40]

SAMBA SESIGABA: 40

SIGABA B: EMATHEKSTHI EMIBHALOMBIKO LEMIDZANA

Ticondziso tekumaka nekuhlola ematheksthi emibhalombiko lamafisha.

Ematheksthi emibhalombiko lemidzana atawuhlolwa ngekulandzela lemigomo lelandzelako:

UMGOMO	EMAMAKI
LOKUCUKETFWE, KUHLELA NELUHLAKASIMO (60%)	12
LULWIMI, SITAYELA NEKUHLUNGA EMAPHUTSA (40%)	8
SAMBA	20

2.1 INCWADZI YEBUNGANI.

Incwadzi yebungani ayibe nelikheli linye, sibingelelo nesivaleliso. Ayivete naku lokulandzelako:

- Ayibhalelwe sihlobo..
- Kubhala emakheli lamabili.
- Icondziswe kubani.
- Asivakale sicelo lesibekwako..

2.2 INCWADZI YEMTSETFO.

Incwadzi yemsebenti ayibe nemakheli lamabili, sibingelelo, sihloko nesivaleliso. Ayivete naku lokulandzelako:

- Ayibhalelwe umphatsisikolo lebewufundza kuso.
- Akushiwo kutsi lomcimbi uphatselene nani.
- Ligama lesikolo lebewufundza kuso.

2.3 INKHULUMO (SPEECH)

Kubhalwa Inkhulumo yekuhalalisela umngani loyofundza ngesheya kwetilwandle. Indzaba ayifake loku lokulandzelako:

- Akuvele sitayela lesisetjentisiwe (Nini? Kuphi? Yini ndzaba? Bani?)
- Singeniso asihehe.
- Akwakhiwe kahle emagama kugwenywe sidlalangemagama.
- Akulinganiswe kugcekwa nalokwemukelekako.
- Siphetfo sibalulekile, kantsi akusiso sifinyeto saloko lokubhalwa ngako.
- Akusetjentiswe imisho lemifisha.

[20]

2.4 INKHULUMOMPHENDVULWANO.

Inkhulumomphendvulwano ayibe nemagama alabakhulumako alandzelwe yikhloni. Inkhulumo ayingafakwa bokhulumile (Inverted commas). Ayivete naku lokulandzelako:

Ayibe ekhatsi kwakho nemngani wakho.

- Ayihambisane nenhloso yekucocisana ngetindlela tekutadisha. Kucoca ngekutadisha kwebantfu lababili, tindlela tekutadisha atibhalwe phansi, njll.
- Ayibe nesingeniso, umtimba nesiphetfo.

[20]

SAMBA SESIGABA B: 20

SIGABA C: EMATHEKSTHI LAMAFISHA EMIBHALOMBIKO/LATICUKATSILWATI

Ticondziso tekumaka ematheksthi lamafisha kakhulu emibhalombiko/laticukatsilwati.

Ematheksthi lamafisha kakhulu emibhalombiko/laticukatsilwati atawuhlolwa ngekulandzela lemigomo lelandzelako.

UMGOMO	EMAMAKI
LOKUCUKETFWE, KUHLELA NELUHLAKASIMO (60%)	12
LULWIMI, SITAYELA NEKUHLUNGA EMAPHUTSA (40%)	8
SAMBA	20

3.1 SIKHANGISI.

Sikhangisi asibe naloku lokulandzelako:

- Sicubulo, silogeni, lokukhangiswako ligama lebhizinisi, njll.
- Emasu ekukhangisa njengekusebentisa bofeleba, ifonti lehlukile, inkhulumo lehungako, njll.
- Timo letitawenta sikhangisi sidvonse emehlo njengemibala legcamile nalokunye.
- Asivete imininingwane lephatselene nebucwebe/timphahla/kanye nemathoyizi.

[20]

3.2 IDAYARI

Idayari kumele ifake ekhatsi loku lokulandzelako:

- Lusuku, inyanga nemnyaka.
- Ayibhalwe ngenkhulumo yemlandzi longumuntfu wekucala.
- Lulwimi nesitayela kumele kuhambisane nemfundzi futsi lungahleleki.
- Akangajeziswa umfundzi longakabhali imisho lephelele.

Akuvele lokutawukwentiwa ngetinsuku letintsatfu, lusuku ngalunye.

[20]

3.3 TICONDZISO

Ticondziso atibe naloku lokulandzelako:

- Sihloko.
- Tinyatselo letitawulandzelwa kute kufinyelelwe kulokuhlosiwe.
- Luhla lolulandzelanako lolumayelana nekubhasobha likhaya.
- Ayivete tigaba letilandzelanako, kuphumelelisa lokuhlosiwe.

[20]

SAMBA SESIGABA C: 20
SAMBA SAKO KONKHE: 80

CAPHELA:

- Sebentisa irubhriki njalo nawumaka indzaba (Liphepha le-2, SIGABA A).
- Emamaki lasukela ku-0–40 ehlukane ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusacatfutana Lokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukane ngekwelizinga lelisetulu ngalokubabatekako nelizinga lelisetulu ngalokungababateki, ngekweluhluka kwemamaki netinchazelo temakhono.

IRUBHRIKI YEKUHLOLA INDZABA YELULWIMI LWESIBILI LWEKWENGETA [40 EMAMAKI]

Timphawu		Emalengiso	Licophelolelisetulu	Lokwenetisako	Lokusilele	Lokungaphumelelisi
LOKUCUKETFWE-NEKUHLELA (Imphendvulo nemibono) Kuhleleka kwemibono nakulungiselelwa kubhala. Kucikelelwa kwenhloso, tetsamelilwati nesimongcondvo 24 EMAMAKI	Lizinga lelisetulu ngalokubabatekako	22–24 -Imphendvulo lengemalengiso lababateka ngetulu kwalokulindzelekile. -Imibono ivutsiwe, inekuhlakanipha, lokukhombisa kucabanga lokujulile. -Kuhleleka kungemalengiso lababatekako, kubumbene nesingeniso, umtimba kanye nesiphetho.	18 -Imphendvulo lesecophelweni lelisetulu ngalokubabatekako -Imibono ivutsiwe, iyahaha ihambisana nesihloko ngalokuphelele. -Kuhleleka kusecophelweni lelisetulu kakhulu, lokubumbene nesingeniso, umtimba nesiphetho.	12–16 -Imphendvulo leyenetisako -Imibono ibumbene futsi ikholweka ngalokwenetisako. -Kuhleleka kubumbene nesingeniso, umtimba nesiphetho ngalokwenetisako.	7–11 -Imphendvulo lengakabumbani. -Imibono ayikacaci kantsi futsi akusiyo yekuticambela. -Buncane bufakazi bekuhleleka nekubumbana.	0–6 -Yonkhe imphendvulo iyanhlanhlatsa. -Imibono ihlangahlangene futsi iyadidana, ayikacondzi ngco. -Kunekuphindzaphindza lokungevakali. -Akukho kuhleleka nekubumbana.
		Lizinga lelisetulu ngalokungababateki	18–21 -Imphendvulo lengemalengiso kodvwa ingenato timphawu tekubabateka. -Imibono ivutsiwe futsi ihlakaniphile. -Kuhleleka lokungemalengiso, kubumbene nesingeniso, umtimba nesiphetho.	17 -Imphendvulo lesecophelweni lelisetulu -Imibono iyahaha, ihambisana nesihloko. -Kuhleleka lokusecophelweni lelisetulu lokubumbene nesingeniso, umtimba nesiphetho.		

IRUBHRIKI YEKUHLOLA INDZABA YELULWIMILWESIBILI LWEKWENGETA [40 EMAMAKI] (continued)

Timphawu	Emalengiso	Licophelolelisetulu	Lokwenetisako	Lokusilele	Lokungaphumelelisi
LULWIMI, SITAYELA NEKUHLUNGWA KWEMAPHUTSA Kuhambelana kwemoya irejista, sitayela, silulumagama nhloso nesimongcondvo Kusetjentiswa kwelulwimi, timphawu tekufundza nekubhala, luhlelo, sipelengi (lupelomagama) 12 EMAMAKI	10–12 -Lulwimi lusetjentiswe ngemalengiso nangalokuveta umoya lokhutsatako ngemphumelelo. -Esikhatsin ilesinyenti emaphutsa eluhlelo nesipelengi awakho. -Kuticambela kungemalengiso.	8–9 -Lulwimi lusetjentiswe ngemphumelelo lesecopheweni lelisetulu. -Umoya uyemukelekaf utsi uneligalelo lelemukelekile. -Emaphutsa eluhlelo nesipelengi ambalwa. -Icambeke kahle.	6–7 -Lulwimi lusetjentiswe ngalokwenetisako kodvwa ngalokungafani embhalweni wonkhe. -Imvamisa umoya wemukelekile, emasu ebugagu belulwimi asetjentiswe kancane.	4–5 -Lulwimi lusetjentiswe ngalokungenetis. -Kusetjentiswa kwetinhlobo letehlukene temisho kuncane/kute. -Silulumagama sincane kakhulu.	0–3 -Lulwimi aluvakali. -Silulumagama sincane ngendlela yekutsi lokubhaliwe akulandzeleki.
SAKHIWO Timphawu tetheksthi Kutfutukiswa kwetindzima nekwakhiwa kwemisho 4 EMAMAKI	4 -Sihloko sitfutukiswe ngemalengiso. -Imininingwane yetfulwe ngemalengiso. -Imisho, netindzima kwakheke ngemalengiso lababatekako.	3 -Imininingwane itfutukiswe ngalokuhlelekile. -Kunekubumbana. -Imisho, netindzima kuhlelekile futsi kutinhlobonhlobo.	2 -Imininingwane ihambisana nesihloko. -Imisho netindzima kwakheke kahle Indzaba iyevakala.	1 -Lamanye emaphuzu emukelekile. -Imisho netindzima kunemaphutsa. -Indzaba iyevakala noko.	0 -Emaphuzu ladzingekele asilele. -Imisho netindzima kunemaphutsa. -Indzaba ayinamcondvo.
KWEHLUKA KWEMAMAKI	33–40	28–30	20–25	12–17	0–9

IRUBHRIKI YEKUHLOLA UMBHALOMBIKO LOMUDZE NALOMFISHA WELULWIMI LWESIBILI LWEKWENGETA [20 EMAMAKI]

Timphawu	Emalengiso	Licophelolelisetulu	Lokwenetisako	Lokusilele	Lokungaphumelelisi
LOKUCUKETFWE, KUHLELA NESAKHIWO Imphendvulo nemibono Kuhleleka kwemibono Timphawu/Timiso nesimongcondvo 12 EMAMAKI	10–12 -Imphendvulo lengemalengiso lababatekako. -Imibono ivutsiwe, inekuhlakanipha, lokukhombisa kucabanga lokujulile. -Lwati lolungemalengiso lwetimpawu teluhlobo lwetheksthi lebhawako. -Umbhalo ucondze ngco. -Lokucuketfwe kunemibono lebungene ngelicophelo ngemalengiso. -Yonkhe imininingwane icaciswe ngemalengiso kantsi futsi yesekela sihloko. -Sakhiwo lesifanele lesingemalengiso nalesingenamaphutsa.	8–9 -Imphendvulo lesecophelweni lelisetulu lekhombisa. -Lwati lolusecophelweni lelisetulu lweluhlobo lwetheksthi lebhawako. -Umbhalo ucondzengco awutsemeleti. -Lokucuketfwe kunemibono lebungene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.	6–7 -Imphendvulo leyenetisako, lekhombisa lwati lweluhlobo lwetheksthi lebhawako. -Umbhalo awukacondzi ngco ngalokuphelele, unekutsemeleta lokutsite. -Emaphuzu alokucuketfwe abumbene ngalokwenetisako. -Leminye imininingwane iyasesekela sihloko. -Sakhiwo siyenetisa kodvwa sinemaphutsa latsite.	4–5 -Imphendvulo lecatfutako lekhombisa lwati loluncane lweluhlobo lwetheksthi lebhawako. -Umbhalo unekutsemeleta lokunyenti. -Kubumbana kwemaphuzu alokucuketfwe kuncane kakhulu. -Imbalwa imininingwane leyesekela sihloko. -Imitsetfo netimiso letibalulekile tesakhiwo setheksthi atikalanzelwa ngalokufanele. -Kunyenti lokubalulekile lokusilele.	0–3 -Imphendvulo ayikhombisi nakancane kuba nelwat ilweti mphawu teluhlobo lwetheksthi lebhawako. -Inshokutsi iyanhlanhlatsa, igcwelelutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu imininingwane leyesekela sihloko. -Imitsetfo netimiso tesakhiwo setheksthi letibalulekile atikalanzelwa nakancane.
LULWIMI, SITAYELA NEKUHLUNGWA KWEMAPHUTSA Umoya, irejista, sitayela, inhloso, tetsamelilwati nesimongcondvo. Timiso nekusetjentiswa kwelulwimi. Kukhetseka kwemagama. Timphawu tekufundza nekubhala nesipelingi. 8 EMAMAKI	7–8 -Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo. -Luhlelo alunamaphutsa kantsi futsi icambeke kahle. -Esikhatsini lesinyenti akunamaphutsa.	5–6 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.	4 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako. -Kunemaphutsa latsite eluhlelo. -Silulumagama lesenetisako. -Emaphutsa akayiphazamisi inshokutsi.	3 -Umoya, irejista, sitayela nesilulumagama akuhambelani kahle nenhloso, tetsamelilwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.	0–2 -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo. -Kugcwele emaphutsa lamanyenti ladidanako. -Silulumagama asihambisani nakancane nenhloso. -Inshokutsi ihlangahlangene kakhulu.
KWEHLUKA KWEMAMAKI	17–20	13–15	10–11	7–8	0–5